

水
经
注
释

水經注釋

水經注釋卷三十二

仁和趙一清誠夫錄

澠水

蘄水

決水

泚水

泄水

肥水

施水

補滁水

沮水

漳水

夏水

羌水

涪水

梓潼水

涔水

澠水出江夏平春縣西

澠水北出大義山南至厲鄉西賜水入焉水源東出大

紫山分爲二水一水西逕厲鄉南水南有童山卽烈山

也山下有一穴父老相傳云是神農所生處也故禮謂

之烈山氏水北有九井子書所謂神農旣誕九井自穿
謂斯水也又言汲一井則衆水動井今堙塞遺迹髣髴
存焉亦云賴鄉故賴國也有神農社賜水西南流入于
澇卽厲水也賜厲聲相近宜爲厲水矣一水出義鄉西
南入隋又注澇澇水又南逕隋縣注安陸也

南過安陸入于澇

蘄水出江夏蘄春縣北山

山卽蘄柳也水首受希水枝津西南流歷蘄山出蠻中
故以此蠻爲五水蠻五水卽謂蘄水希水巴水也又赤
亭水西歸水蠻左馮居岨藉山川世爲抄暴宋世沈慶

之於西陽上下誅伐蠻夷卽五水蠻也

南過其縣西

晉改爲蘄陽縣縣徙江州置大陽戍後齊安郡移治於此也

又南至蘄口南入于江

蘄水南對蘄陽洲入于大江謂之蘄口洲上有蘄陽縣徙

決水出廬江雩婁縣南大別山

俗名之爲檀公峴蓋大別之異名也

一清按尚書正義曰地理志無大別

鄭元曰在廬江安豐縣杜預春秋注云大別不知何處或云在安豐縣西南左傳云吳旣與楚夾漢然後楚乃

濟漢而陣自小別至于大別然則二別近漢之名無緣
得在安豐如預所言雖不知其處要與內方相接漢水
所經必在荊州界也胡渭曰按地理志六安國安豐縣
下云禹貢大別山在西南鄭杜說所自出正義謂地志
無大別何也又云大別山在漢陽府城東北半里漢水
西岸水經注江水逕魯山南古翼際山也元和志魯山
一名大別山在漢陽府東北一百步其山前枕蜀江北
帶漢水杜元凱已知在江夏不在安豐酈氏主杜說而
終不能指魯山爲大別至唐人始能言之其水歷山委注而絡其縣也

北過其縣東

縣故吳也春秋左傳襄公二十六年楚子秦人侵吳及
雩婁聞吳有備而還是也晉書地道記云在安豐縣之
西南卽其界也故地理志曰決水出雩婁

又北過安豐縣東

決水自雩婁縣北逕雞備亭春秋昭公二十三年吳敗

諸侯之師于雞父者也安豐縣故城今邊城郡治也王

莽之美風也世祖建武八年封大將軍涼州牧竇融爲

侯國晉立安豐郡

一清按漢志六安國安豐縣莽曰美風今注云美風似因安風縣名而譌

續志有安豐縣又云安風侯國蓋光武以安豐陽泉蓼

安風四縣封竇融爲安豐侯其國都則治安風爰及魏

晉之安豐郡皆治安風縣也魏收地形志云邊城郡治

麻步山領史水一縣則南北流移境土非一故治無常

所也此與淮水注之安豐津水南有城故安

豐都尉治之安豐蓋兩地而異名不可混也決水自縣

西北流逕蓼縣故城東又逕其北漢高帝六年封孔聚

爲侯國也世謂之決水也水又西北灌水注之其水導

源廬江金蘭縣西北東陵鄉大蘇山卽淮水也

一清按漢志廬

江郡下云金蘭西北有東陵鄉淮水出屬揚州胡渭曰

淮當作灌愚謂非也班志原是淮字道元故以之釋灌

水若破淮作灌則以灌水許慎曰出雩婁縣俗謂之澮

釋灌水於義豈可通乎

水也一清按說文澮是汾澮之澮而別有漚水出褚先

生所謂神龜出於江灌之間嘉林之中蓋謂此水也全氏

曰今龜筮傳作江淮淮灌水東北逕蓼縣故城西而北

即灌也非出桐柏之淮

注決水也故地理志曰決水北注蓼入淮灌水於蓼亦

入決一清按漢志廬江郡雩婁縣下云決水北至蓼入

變之似淮又有灌水亦北至蓼入決道元蓋抄其詞而稍

失意義縣西蓼邑即臯陶之封邑也春秋宣公八年冬

楚公子變滅舒蓼臧文仲聞之曰臯陶庭堅不祀忽諸

德之不建民之無援哀哉朱氏謀埠箋曰按左傳文公

五年冬楚公子變滅蓼臧文

仲有臯陶不祀之歎至宣公八年夏楚人滅舒蓼自是兩事決水又北右會陽泉水

水受決水東北流逕陽泉縣故城東故陽泉鄉也漢靈

帝中封太尉黃琬為侯國

一清按靈帝下脫年號後漢書黃琬傳云董卓秉政以琬

名臣徵為司徒遷太尉更封陽泉鄉侯卓入朝在靈帝崩後則琬封當在獻帝初年亦非靈帝也

又西

北流左入決水謂之陽泉口也

一清按三國志魏書滿寵傳吳將陸遜向廬江

寵整軍趨陽宜口即陽泉口也又吳書孫綝傳朱異帥三萬人屯安豐城為文欽勢魏兖州刺史州泰拒異于陽淵酈注施水篇亦作陽淵續志廬江郡陽泉侯國劉昭補註引廣志曰有陽泉湖

又北入于淮

俗謂之決口非也斯決灌之口矣余往因公至于淮津

舟車所屆次于決水訪其民宰與古名全違脈水尋經

方知決口

一清按上文既以俗謂決口爲非而此又云方知決口何耶或恐有脫誤蓋灌漑

聲相倫習俗害真耳

泚水出廬江潛縣西南霍山東北

潛者山水名也開山圖潛山圍繞大山爲霍山郭景純曰潛水出焉縣卽其稱矣春秋昭公二十七年吳因楚喪圍潛是也地理志曰泚水出泚山不言霍山泚字或作潏潏水又東北逕博安縣泄水出焉

東北過六縣東

潏水東北右會踰鼓川水水出東南踰鼓川西北流左

注潏水潏水又西北逕馬亭城西又西北逕六安縣故

城西縣故咎陶國也夏禹封其少子奉其祀今縣都陂
中有大冢民傳曰公琴者卽臯陶冢也楚人謂冢爲琴
矣

一清按此文與汝水篇注可參證皇覽亦謂之曰琴也

漢高帝元年別爲衡山

國五年屬淮南文帝十六年復爲衡山國武帝元狩二
年別爲六安國王莽之安風也漢書所謂以舒屠六晉
太康三年廬江郡治淠水又西北分爲二水芍陂出焉
又北逕五門亭西西北流逕安豐縣故城西晉書地道
記安豐郡之屬縣也俗名之曰安城矣又北會濡水亂
流西北注之

北入于淮

水之決會謂之泚口也

泄水出博安縣

一清按漢志九江郡有博鄉縣續志無蓋後漢省說文云泄水受博安洵波豈順帝

以前曾改博鄉爲博安乎顧祖禹曰卽壽州之都陸城晉元帝封六安繆王子交爲侯邑考晉志又無之

博安縣地理志之博鄉縣也王莽以爲揚陸矣泄水自

縣上承泚水於麻步川西北出歷濡谿謂之濡水也

全氏

曰漢志六安國六縣如谿水首受泚東北至壽春入芍陂卽濡谿水也

北過芍陂西與泚水合

泄水自濡谿口逕安豐縣北流注于淠一謂之濡須口

西北入于淮

亂流同歸也

肥水出九江成德縣廣陽鄉西

呂忱字林曰肥水出良餘山俗謂之連枷山亦或以爲獨山也北流分爲二水施水出焉肥水又北逕荻城東又北逕荻邱東右會施水枝津首受施水於合肥縣城東西流逕成德縣注于肥水也

肥水別北過其縣西北入芍陂

肥水自荻邱北逕成德縣故城西王莽更之曰平阿也又北逕芍陂東又北逕死虎塘東芍陂瀆上承井門與芍陂更相通注故經言入芍陂矣肥水東北右合閭澗水水上承施水於合肥縣北流逕浚遼縣西水積爲陽

湖陽湖水自塘西北逕死虎亭南夾橫塘西注宋太始

初豫州司馬劉順帥衆八千據其城地以拒劉劭杜叔

寶以精兵五千送糧死虎劉劭破之此塘

一清按通鑑宋明帝紀殷

琰將劉順柳倫皇甫道烈龐天生等八千人東據宛唐

胡三省注云宛唐水經注作死虎杜佑通典作死武地

名在壽州壽春縣東四十餘里水分爲二洛澗出焉閭

杜叔寶宋書殷琰傳作趙叔寶漿水注之水受芍陂陂水上承澗水於五門亭南別爲

斷神水又東北逕五門亭東亭爲衆水之會也斷神水

又東北逕神迹亭東又北謂之豪水雖廣異名事實一

水又東北逕白芍亭東積而爲湖謂之芍陂陂周一百

二十許里在壽春縣南八十里一清按元和郡縣志云芍陂周二百里逕百里

言楚相孫叔敖所造魏太尉王凌

沈氏曰王凌時為征東非太尉

與吳

將張休大戰于芍陂卽此處也陂有五門吐納川流西

北爲香門陂水北逕孫叔敖祠下謂之芍陂瀆

全氏曰按華夏

對境圖曰芍陂周二百二十四里與陽泉大業並子思作引潁水爲子午渠開六門潁水卽潁水也陽泉見決水篇其大業當在蓼縣蓋取臯陶之字爲陂名而善長失之又北分爲二水一水東

注黎漿黎漿水東逕黎漿亭南文欽之叛吳軍北入諸

葛緒拒之於黎漿卽此水也東注肥水謂之黎漿水口

又北過壽春縣東

肥水自黎漿北逕壽春縣故城東爲長瀨津津側有謝

堂北亭迎送所薄水陸舟車是焉萃止又西北左合東

溪谿水引瀆北出西南流逕導公寺西寺側因谿建刹
五層屋宇閒敞崇虛巉嶢也又西南流注于肥肥水又
西逕東臺下臺卽壽春外郭東北隅阿之榭也東側有
一湖三春九夏紅荷覆水引瀆城隍水積成潭謂之東
臺湖亦肥南播也肥水西逕壽春縣故城北右合北谿
水薰北山泉源下注漱石頽隍水上長林插天高柯負
日出于山林精舍右山澗寺左道俗嬉遊多萃其下內
外引汲泉同七淨谿水沿注西南逕陸道士解南精廬
臨側川谿大不爲廣小足閒居亦勝境也谿水流注于
肥水

北入于淮

肥水又西分爲二水右卽肥之故瀆過爲船官湖以置
舟艦也肥水左瀆又西逕石橋門北亦曰草市門外有
石梁渡北洲洲上有西昌寺寺三面阻水佛堂設三像
眞容妙相相服精煒是蕭武帝所立也寺西卽船官坊
倉兒都水是營是作湖北對八公山山無樹木惟童阜
耳山上有淮南王劉安廟劉安是漢高帝之孫厲王長
子也折節下士篤好儒學養方術之徒數十人皆爲俊
異焉多神仙秘法鴻寶之道忽有八公皆鬚眉皓素詣
門希見門者曰吾王好長生今先生無住衰之術未敢